



UNIVERSITÄTS-  
BIBLIOTHEK  
PADERBORN

**Hexaēmeron Hē Toi, Kosmourgia, Georgiou tou Pisidou  
diakonou ...**

**Georgius <Pisida>**

**Lutetiae, 1585**

De sensibus, & eorum instrumentis

---

[urn:nbn:de:hbz:466:1-70102](https://nbn-resolving.org/urn:nbn:de:hbz:466:1-70102)

Conseruat vbi, quas percipit, rerum notas.

TVM referat vt natura currit sedula

Ad apta nobis nutriendis munia.

Matrona veluti, quæ familiæ præsidet,

670 Vrget ministros officia quosque ad sua:

Partim appetentes hæc meatus incitat,

Partim attrahentes dirigit cunctos tonos:

Adhibétque portis claustra deducentibus,

Donec, cibi mutationis tempore,

Feruor alimenta mutet ipsa in sanguinem,

Simul atque portam excretionis truserit,

Onus & superuacuum foras proiecerit.

Perceptiones quæ efficaces inferat,

Ad sensuum tot iudicia nostris data

680 Neruisque & oculis, naribus, linguæ, auribus.

Hinc tactibus, digito quidem æquo iudice,

Examinat molle à suo contrario.

Auditionis transitus arctos facit,

Et flexuosas machinatur ianuas,

Fluant in aures ordinis serie, vt soni,

Ne fortè lædantur meatus intimi,

Si pulsibus grauissimis soni irruant.

Et spongiosa carne linguam contegit:

Nam pelle molli præditam esse oportuit,

690 Refractionem ad esculentorum omnium,

Atque vt meatus apprehendant commodè,

Fungosa per quos laxitas capiens cibos,

Dijudicat pulchrè liquores quoslibet.

G ij

De hac alédi  
vi & reliquis  
Arist. lib. 2.  
de An. c. 4.

De sensibus  
& eorum in-  
strumentis.

Tactus.

Auditus.

Gustatus.

PISIDÆ, MVNDI OPIFICIVM.

Odoratus. Ast vnde tam amplas fistulas hoc obtinet  
 Vehiculum odoratus, meat quâ spiritus  
 Vitalis auræ: morbo & illis si accidat  
 Ut obstruantur, ceu laqueo animal angitur,  
 Aut cogitur animam per os effundere.

Vifus. Imitata cæli hæc vis fitus, hos luminum  
 Orbes duos obiecit instar siderum,  
 Possemus eiaculatione vt orbium  
 Aëre repercusso, sagittantes velut,  
 Haurire lucem è luce, vt ignem ex torribus.

Oculorum  
 molitio. AT capitis à neruis duobus extimis,  
 Facto canalis in modum foramine,  
 Transmittit hoc lucis meatu spiritum:  
 Tunicisque vestit pupulas mollissimis,  
 Ac si domi quis virgines custodiat.  
 Foramen angustum aperit at meatui,  
 Ut spiritus qui è riuulis effunditur  
 Non comprimatur, si via huic præclusa sit:  
 Neu obnubilet, visus hebetet aut lucidos,  
 Aut lumina obducat nigra caligine:  
 Neu turbet aciem flatus hic, aut inquinet,  
 Effusus impetu, via latissima.

Epiphone-  
 ma, de la-  
 chrymarum  
 vi ad eluēda  
 peccata. O quanta, quâmq; ampla est tuorū operū, D E V S,  
 Notitia inexplicabilis, sermonibus  
 Quæ non notatis prædicat nubem sacram:  
 Et nunc datum vt caliginosis cordibus  
 Hæc luminum vis præferat claram facem:  
 Sedenim per oculos cùm notas turpēs trahat,

Rursus

700

710

720